



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-277-9/18

Datum: 14.08.2018. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“, broj 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine v.d. glavnog tužioca Tužilaštva-Tužiteljstva BiH d o n o s i

O D L U K U
o izboru najpovoljnijeg ponuđača

Član 1.

(Predmet odluke)

Ugovor o nabavci trakastih zavjesa za potrebe Tužilaštva-Tužiteljstva Bosne i Hercegovine, dodjeljuje se ponuđaču **Privredno društvo „Žaluzine Style“ d.o.o. Zenica.**

Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom konkurentskom zahtjevu za dostavu ponuda.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, izvještaju o toku i završetku e-aukcije, te uslovima i kriterijima utvrđenim u Obavještenju o nabavci i Konkurentskom zahtjevu za dostavu ponuda.

Član 3.

(Stupanje na snagu)

Ova odluka stupa na snagu danom donošenja.

O b r a z l o Ź e n j e

Postupak javne nabavke proveden je putem konkurentskog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 435-7-1-524-3-24/18 od 10.07.2018. godine. Primijeno je šest ponuda ponuđača: Delux d.o.o., Privredno društvo „Žaluzine Style“ d.o.o. Zenica, „Bosna-Kom“ d.o.o. Gračanica, Efekt komerc dizajn d.o.o, Inter-com d.o.o. Zenica i Mikado d.o.o.Sarajevo.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2018. godinu, broj: A-534/17 od 27.12.2017. godine i dopune Odluke o imenovanju Komisije za provođenje postupaka javnih nabavki Tužilaštva-Tužiteljstva BiH, broj: A-534-1/17 od 11.01.2018. godine članovi Komisije (u daljem tekstu: Komisija) izvršili su pregled i ocjenu ponuda i utvrdili sljedeće:

-Ponuđač Delux d.o.o. je dostavio ponudu koja nije u skladu sa članom 4.2 Konkurentskog zahtjeva. Naime, ponuđač Delux d.o.o. je dostavio ponudu koja nije pravilno uvezana, odnosno ponuda nije ukoričena u knjigu, a nije ni osigurana jamstvenikom. Shodno naprijed navedenom, ponuda ponuđača Delux d.o.o. se smatra neprihvatljivom i odbacuje se.

-Ponuđač Mikado d.o.o. Sarajevo je propustio u svojoj ponudi dostaviti spisak uredno izvršenih ugovora, tražen tačkom 3.1.3 Konkurentskog zahtjeva. Naime, ponuđač je dostavio potvrde o uredno izvršenim ugovorima i ugovore, ali je propustio u svojoj ponudi dostaviti i spisak uredno izvršenih ugovora, što nije u skladu sa Konkurentskim zahtjevom i članom 48. (2) Zakona o javnim nabavkama. Shodno naprijed navedenom, ponuda ponuđača Mikado d.o.o. Sarajevo se smatra neprihvatljivom.

-Ponuđač Efekt komerc dizajn d.o.o. je dostavio ukupnu cijenu ponude u iznosu od 6.012,33 KM bez PDV-a, a nakon prihvaćanja računskih ispravki stavki 2., 4. i 6. ukupna cijena ponude iznosi 6.012,67 KM bez PDV-a, odnosno 7.034,82 KM sa PDV-om (Prihvat računskih ispravki je sastavni dio ovog zapisnika).

-Ponude ponuđača: Privredno društvo „Žaluzine Style“ d.o.o. Zenica, „Bosna-Kom“ d.o.o. Gračanica, Efekt komerc dizajn d.o.o. i Inter-com d.o.o. Zenica su u potpunosti prihvatljive i ispunjavaju uslove zahtijevane Konkurentskim zahtjevom i Tehničkom specifikacijom.

Članovi Komisije su nakon pregleda i ocjene ponuda zaključili da su ponude ponuđača: Privredno društvo „Žaluzine Style“ d.o.o. Zenica, „Bosna-Kom“ d.o.o. Gračanica, Efekt komerc dizajn d.o.o. i Inter-com d.o.o. Zenica prihvatljive.

Konkurentskim zahtjevom predviđena je e-aukcija. E-aukcija je provedena 13.08.2018. godine. Nakon provedene e-aukcije, ponude prihvatljivih ponuđača su se rangirale na sljedeći način:

R. br.	Naziv/ ime ponuđača	Ukupna ponuđena cijena bez PDV-a/KM	Ponuđeni popust	Ukupna ponuđena cijena sa popustom i PDV-om/KM
1.	Privredno društvo „Žaluzine Style“ d.o.o. Zenica	6.006,00	///	7.027,02
2.	Efekt komerc dizajn d.o.o.	6.012,67	///	7.034,82
3.	„Bosna-Kom“ d.o.o. Gračanica	10.545,00	///	12.337,65
4.	Inter-com d.o.o. Zenica	11.089,22	///	12.974,38

Shodno navedenom, članovi Komisije su uputili preporuku v.d. glavnog tužioca Tužilaštva-Tužiteljstva BiH za izbor ponuđača Privredno društvo „Žaluzine Style“ d.o.o. Zenica, koji je ponudio najnižu cijenu, a čija ponuda u potpunosti ispunjava uslove za nabavku predmetnih roba.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva/Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Dostavljeno:

- Ponuđačima,
- Odjelu za materijalno-finansijske poslove.

V.D. GLAVNOG TUŽIOCA
TUŽILAŠTVA/TUŽITELJSTVA BiH

Gordana Tadić